

**Zeitschrift:** Bündner Schulblatt = Bollettino scolastico grigione = Fegl scolastic grischun  
**Herausgeber:** Lehrpersonen Graubünden  
**Band:** 75 (2013)  
**Heft:** 1: Märchen

**Artikel:** Märchen im Kindergarten : Uras fabulusas  
**Autor:** Pedrun, Simone  
**DOI:** <https://doi.org/10.5169/seals-819287>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 03.04.2026

**ETH-Bibliothek Zürich, E-Periodica, <https://www.e-periodica.ch>**

# Uras fabulasas

SIMONE PEDRUN, SCOULINA SAMEDAN

## Mia parevla prediletta

Sch'èau vegn dumandada, chenüna chi saja mia parevla prediletta, duni per risposta cha que saja Cinderella. Scu scha füss sto be her, m'algordi auncha precis, cu cha mia nona am raquintaiva sün meu giavüsch adüna ed adüna darcho Cinderella u La s-charpa da vaider. Que es la versiun da Charles Perrault, scritta dal 1697, chi vela hozin-di in Europa scu la pü cuntshainta varianta dad Aschenputtel, sper quella dals frers Grimm, scritta dal 1812. Las prümas annotaziuns da quista parevla sun da la China dal 9avel tschientiner.

## Parevlas a scoulina

Las algrudaanzas a meu egen temp d'iffaunt e las experiencias, ch'èau d'he ramasso in mieus tredesch ans scu mussedra, m'haun demusso, cha'l raquinter ed elavurer parevlas a scoulina in üna u l'otra fuorma es adüna darcho ün grand inrichimaint pels iffaunts. Quista persvasiun ed il plaschir vi dal gö da rolla dals iffaunts e da me stess m'haun purteda süll'ideja da concepir ün rituel da parevlas. Quel es quist an scolastic il ram per festager ils anniversaris dals singuls iffaunts a scoulina.

## Rituel d'anniversari

Ils iffaunts tschaintan in fuorma da rinch. L'iffaunt d'anniversari spetta our in gardaroba. Cur cha tuot es preparato, vo sieu servitur a'l piglier culla charozza. Cur ch'els aintran, staun ils



oters spalier e chauntan la chanzun «Tia festa fains». Rivos aint il rinch, chi simbolisescha il pajais da las parevlas, po l'iffaunt d'anniversari avrir las trais s-chaclas da s-chazi chi cuntengan ils requisits pel rituel.

1. s-chazi: instrumaints, chandailas.

L'iffaunt po impizzer chandailas tenor sia eted ed as lascher gratuler e surder buns giavüschs da tauntas cumpagnas u taunts cumpagns scu ch'el cumplescha ans.

2. s-chazi: vstieus per dramatiser la parevla.

Singuls iffaunts as paun travestir tenor las figüras da la parevla. Eau preleg la parevla ed ils iffaunts travestieus paun güst dramatiser il cuntgnieu.

3. s-chazi: materiel per fer ün gö da rudè cul cuntgnieu da la parevla.

A la fin da mincha parevla chantains aunch'üna chanzun e fains ün sotin cun tuot ils iffaunts. Per glivrer do que alura

aunch'ün cuort gö per tuots ed üna buna marena d'anniversari.

Zieva il rituel staun ils requisits per dramatiser la parevla a dispuziun pel gö da rolla. Uschè haun tuot ils iffaunts la pussibilted da giuver las differentas rollas, giuver zieva l'istorgia u svilupper novas variantas.

## In mincha cas ün inrichimaint

La valor da la lavur cun parevlas a scoulina es granda ed ils böts pedagogics sun bod uschè innumbrabels scu las variantas per las tratter culs iffaunts. Perque vuessi numner be ün pêr miras, chi's laschan dedür da meu rituel d'anniversari.

Ils iffaunts haun la pussibilted dad...

- imprender a cugnuoscher differentas parevlas,
- evenimanter üna parevla in möd auditiv ed interactiv,
- as identificher cun differentas rollas,
- as confrunter cun bun e nosch, egens sentimaints, fermezzas e deblezzas,
- esser creativ e promover la lingua,
- exerciter interacziuns socielas e.u.i

Aint il muond da las parevlas nun es ünguotta impussibel. E precis que las fo uschè attractivas e richas da pussibilteds per la lavur a scoulina. Uossa am resta be auncha da giavüscher uras müravglusas a tuot quellas, chi haun clappo cuaida da viager darcho üna vouta i'l pajais da las parevlas.

